

Қазақстан Республикасының Үкіметі мен Тәжікстан Республикасының Үкіметі арасындағы Жоғары білікті ғылыми және ғылыми-педагогтік кадрларды даярлау және аттестациялау саласындағы ынтымақтастық жөніндегі келісімге қол қою туралы

Қазақстан Республикасы Үкіметінің қаулысы 2000 жылғы 14 шілде N 1078

Қазақстан Республикасының Үкіметі қаулы етеді:

1. Қазақстан Республикасының Білім және ғылым министрлігі ұсынған, Қазақстан Республикасының Сыртқы істер министрлігімен келісілген және тәжік жағымен алдын ала пысықталған Қазақстан Республикасының Үкіметі мен Тәжікстан Республикасының Үкіметі арасындағы Жоғары білікті ғылыми және ғылыми-педагогтік кадрларды даярлау және аттестациялау саласындағы ынтымақтастық жөніндегі келісімнің жобасы мақұлдансын.

2. Қазақстан Республикасының Сыртқы істер министрі тәжік жағымен

келіссөздер жүргізсін және уағдаластыққа қол жеткізілгеннен кейін, осы ретте Келісімнің жобасына қағидатты сипаты жоқ өзгерістер мен толықтырулар енгізуге рұқсат бере отырып, Қазақстан Республикасының Үкіметі атынан көрсетілген Келісімге қол қойсын.

3. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Қазақстан Республикасының Үкіметі мен Тәжікстан Республикасының Үкіметі арасындағы Жоғары білікті ғылыми және ғылыми-педагогтік кадрларды даярлау және аттестациялау саласындағы ынтымақтастық жөніндегі
КЕЛІСІМ

Бұдан әрі Тараптар деп аталатын Қазақстан Республикасының Үкіметі мен Тәжікстан Республикасының Үкіметі

1992 жылғы 13 наурыздағы Тәуелсіз Мемлекеттер Достастығының қатысушылары - мемлекеттер шеңберінде ғылыми-техникалық ынтымақтастық туралы үкіметаралық Келісімді негізге ала отырып,
1995 жылғы 3 қарашадағы ТМД елдерінің жалпы ғылыми-технологиялық кеңістігін

құру туралы үкіметаралық Келісімді басшылыққа алып,
ғылымдағы, техникадағы, білім мен мәдениеттегі тарихи қалыптасқан өзара тығыз
байланыстарға сүйене отырып,
бірыңғай ғылыми кеңістікті сақтауға ұмтыла отырып,
жоғары білікті ғылыми және ғылыми-педагог кадрларды даярлау мен аттестациялау
жүйелерінің тиімділігін арттырудағы мемлекетаралық кооперацияның мақсатқа сәйкес
екенін мойындай отырып,
жоғары білікті ғылыми және ғылыми-педагог кадрларды даярлау және
аттестациялау саласындағы өзара тиімді ынтымақтастықты жалғастыруға
ұмтылушылықты растай отырып,
төмендегілер туралы уағдаласты:

1-бап

Тараптар, келісе отырып, жоғары білікті ғылыми және ғылыми-педагог кадрларды
даярлау және аттестациялауға байланысты ұлттық тұжырымдар мен талаптарды әзірлеу
кезінде өзара консультациялар өткізетін болады.

2-бап

Т а р а п т а р :

жоғары білікті ғылыми және ғылыми-педагог кадрларды өзара мақсатты түрде
даярлауды және сынау мерзімінен өткізуді ұйымдастырады;
ғылыми қызметкерлердің мамандығының (номенклатуралардың) тізбелерін әзірлеу
кезінде консультациялар өткізеді;

жоғары білікті ғылыми және ғылыми-педагог кадрларды мемлекеттік аттестациялау
жүйесіндегі ғылыми дәрежелер мен ғылыми атақтар ізденушілеріне қойылатын негізгі
талаптардың салыстырылуын қамтамасыз ететін болады.

3-бап

Бір Тараптың оқуы, біліктілігін арттыруы және диссертация әзірлеуі үшін сынау мерзімін өткізушілерді, аспиранттарды, докторанттарды, ғылыми қызметкерлерді басқа Тараптың ғылыми ұйымдары мен жоғары оқу орындарына жіберуі Тараптардың мүдделі ұйымдарының тікелей шарттарына сәйкес жүзеге асырылады, ол шарттарда жіберуші және қабылдаушы ұйымдардың құқы, міндеті және жауапкершілігі а н ы қ т а л а д ы .

4-бап

Тараптар жоғары білікті ғылыми және ғылыми-педагог кадрларды аттестациялау с а л а с ы н д а ғы ы н т ы м а қ т а с т ы қ т ы :

бір Тараптың ізденушілерінің басқа Тараптың ғылыми дәрежелер беру жөніндегі кеңестерінде диссертациялар қорғауларын өткізуі үшін ғылыми дәрежелер мен ғылыми атақтар беруге рұқсат ететін құқық беруші білім туралы құжаттарды нострификациялауға (теңестіруге) байланысты талаптарды есепке ала отырып, бірдей ж а ғ д а й т у ғ ы з у ;

жоғары білікті ғылыми және ғылыми-педагог кадрларды аттестациялау жүйелеріндегі өзгерістер туралы дер кезінде өзара хабарлау осы кадрларды даярлау мен аттестациялау мәселелері бойынша тиісті нормативтік актілерімен және басқа да материалдармен алмасу арқылы дамытатын болады.

5-бап

Диссертациялық жұмыстарды сараптау сапасын арттыру үшін әр Тарап: өз мемлекетінің ғылыми ұйымдары мен жоғары оқу орындарының жетекші ғалымдарының және ғылыми ұйымдар мен жоғары оқу орындары мамандарының басқа Тараптың ғылыми дәрежелер беру жөніндегі кеңестердің жұмысына қатысуына; өз мемлекетінің ғылыми дәрежелер беру жөніндегі кеңестерінде қорғалған диссертацияларды басқа тараптың ғылыми дәрежелер беру жөніндегі кеңестерінде қосымша сараптаудан өткізуге жәрдемдеседі.

6-бап

Тараптар өз мемлекеттерінің аумақтарында Тараптардың тиісті мемлекеттік аттестациялық органдары берген ғылыми дәрежелер және атақтар туралы біліктілікті айқындайтын мемлекеттік үлгідегі құжаттарды белгіленген тәртіпте олардың иелерін қайта аттестациялау жолымен таниды.

7-бап

Тараптар жоғары білікті ғылыми және ғылыми-педагог кадрларды аттестациялау процестерін басқаруды, оны жетілдіруге бағытталған тәжірибе алмасу жөніндегі қажетті бірлескен шараларды өткізуді қамтамасыз етеді.

8-бап

Осы Келісімге қатысу Тараптардың жоғары білікті ғылыми және ғылыми-педагог кадрларды даярлау және аттестациялау саласындағы ынтымақтастықтың басқа түрлерін пайдалану құқын шектемейді.

9-бап

Осы Келісімнің ережелерін түсіндіру және қолдану мәселелері жөніндегі таластар мен келіспеушіліктердің бәрі консультациялар және келіссөздер жолымен шешілетін болады.

10-бап

Осы Келісім оның күшіне енуі үшін қажетті мемлекетішілік

тәртіптердің орындалғаны туралы жазбаша хабарлама алынған күннен бастап күшіне енеді.

Осы Келісім мерзімсіз қолданыста болады. Келісімнің іс-әрекеті Тараптардың бірі осы Келісімнің іс-әрекетін тоқтату тілегі туралы жазбаша хабарлама алған күннен бастап алты ай өткеннен кейін тоқтатылуы мүмкін.

_____ қаласында _____ жылғы " _____ " _____ екі данада, әрқайсысы қазақ, тәжік және орыс тілдерінде жасалды.

Мәтіннің түсіндіруінде пікір алшақтығы болған жағдайда Тараптар орыс тіліндегі мәтінге назар аударатын болады.

Қазақстан Республикасының
Үкіметі үшін

Тәжікстан Республикасының
Үкіметі үшін

Оқығандар:

Қобдалиева Н.М.

Орынбекова Д.К.